

# Willem Vermandere, Den Tjoolder

&#039;k Heb endlich vele getjoold in mijn leven  
en nauwers niet meer dan wat uren gebleven  
juste genoeg voor wat simpele dingen  
lijk eten en drinken en liedjes zingen  
ja &#039;k mag het zeggen &#039;k heb vele getjoold  
en meer dan ne keer zelfs hopeloos verdoold  
verre van thuis van vrouwe en kind  
in &#039;t holst van de nacht in weer en wind  
En de wind in joen haar zo loop je door &#039;t land  
en de mensen langs de strate ze wijzen met hun hand  
en &#039;t deurt al nie lange of &#039;t weet heel de stad  
zie me daar lopen ne nest jongens achter me gat  
wie kan er mij zeggen langs waar dat ik moet gaan  
waar weunen de mensen die mij willen verstaan  
wie heeft er op zijn zolder nog een oud eksterment  
wie speelt er viool en is &#039;t zingen niet ontwend

Wie heeft er genoeg van zijn welvaartstaat  
met zijn stank en plastiek die nooit meer vergaat  
de peerden en koeien kreveren in de wei  
en als &#039;t nie rap betert de vis in de zee  
maar we verdienen onzen boterham heel dik gesmeerd  
maar de boter is te zwaar, ze geraakt moeilijk verteerd  
nog nooit hadden we een huis zo proper opgedaan  
en toch zijn we betinteld om op voyage te gaan

We krijgen heel ons leven de pap in de mond  
en als we doodgaan een sjieke kist in de grond  
iedern dag is geregeld perfect g&#039;arrangeerd  
&#039;t stond op papier al lange geformuleerd  
in dikke boeken staan de wetten gesteld  
en luistert maar goed wat meneer paster vertelt  
houd goed uw pasen en &#039;s nachts je deur op slot  
zo leef je veilig in d&#039;armen van god  
Maar &#039;k zoeke mijn weg langs &#039;n andere kant  
en &#039;k tjole al zingend deur &#039;t vreemde land  
en &#039;t doet soms zeer om allene te gaan  
ach zijn der hier geen mensen die mijn liedje verstaan ?